

江山何霜梅著

中國藥物學史綱

上海中醫書局印行



中國藥物學史綱

薛鳳連

龍虎山人



南京中医药大学图书馆版权所有

秦序

中國藥物學史綱一卷。社友何子霜梅所作也。吾國夙無藥學史。有之。自何子始。夫中國固有之文化。在世界各國視之。方如採鑽得苗。羣起羅掘。而國人反鄙視屏棄。目爲陳腐不足道。日以吸收西方文明爲能事。於是西方文明佔領東土。而祖國文明無形淪喪。此固有心人士所痛心疾首。而認爲中國前途之莫大隱憂者也。請卽以藥物言。江亢虎所著中國文化對於西方之影響一書。有云。美政府有幾種藥品。科學家不能洞悉其性質與能力。而中國藥書上記載極明。試驗俱屬實在。因特別注意。年派專員從事研究。黃勝白所著。注意中國藥一書。亦有云。德國醫藥家。幾無一不注意中國藥物。謂中國藥品中。極多有價值之藥料。其極小部分。已久爲歐洲醫家所引用。而極大部分。則尙爲歐

人所未知。而近鄰日本。自廢漢醫以來。近又感漢醫之妙理。漢藥之奇效。遠駕西醫之上。政府復有廢中藥而用中藥之議。南洋各處。皆有專電。香港循環日報。亦載其事。據此。則僅中藥一項。國人而不能予以提倡。或更有鄙視屏棄。勢必陷於絕境。進言之。長此以往。西方醫藥界。將以中國醫藥為研究之中心。而日本醫藥界。將以中國醫藥執東方文明之牛耳。豈僅影響於吾國生產力與藥業工友。生計問題已耶。衛生部薛篤弼部長謂中醫藥之存廢。當以業中醫藥者。能否努力改進為斷。然則吾國人既不能宣揚中國醫藥為祖國光。醫藥界又不能化中國醫藥為世界醫藥。而坐視外人之盜取。盜取之而更重價鬻諸我。其可悲可痛。孰有甚於是者哉。何子霜梅供職於中央政治會議祕書處。乃公餘之暇。研幾醫藥。以天荒之創作。供一般之認識。按時敘述。朗若列眉。而於唐新本草。卽英公本草之辨正。明清藥學之沿革及演進。尤能深刻表出。予

中醫藥界以偉大之貢獻。其勞績誠不可沒。而國人之鄙棄國粹者。或可以此
憬然返悟。亦中醫藥界或可因此知所奮起也乎。因索言於余。雜書歸之。時值
雙十。萬民共慶。余更不禁爲中醫藥界慶云。

中華民國十九年雙十節上海秦伯未序於中醫指導社

中國藥物學史綱 秦序

四

自序

慨自科學昌明以來。人類思想大都爲惟物主義所籠罩。形而上學之失其地位。幾視爲天演之公例。中國醫術值此時期。乃不能避免洋化青年之鄙棄焉。夫中國醫術原有其特殊之見地。顧今之業此者。旣鮮致力於先哲遺教之闡明。而末學者流復從而爲玄虛附會之誤解。馴至物腐蟲生。貽人口實。其咎蓋亦由於自取也。若夫中國藥物學。雖處科學萬能之今日。其於治療之效能。曾未稍減。且引起世界之重視焉。此無他。積數千年實驗之結晶。其價值等於科學之發明。不疑疾慮遊移者已。吾人欲究此數千年來前人研究之軌跡。以資稽考而證來茲。則中國藥物學史之編輯。爲不可緩矣。矧我中國藥物學創自神農。備於周秦兩漢。興盛於齊梁。增補於唐宋。集大成於朱明。匯中西於遜清。

其間進化之狀態。迥非僅有數十百年歷史之西洋醫藥所可同日而語也。爰取我國史書所載，輯成是編。分爲十二章。自上古以迄今日。凡關於歷代藥物學之沿革及諸家本草之概況。歷歷粗備。將使讀是書者。溯本尋源。爲創設新知之初步。世之學者。如或採斯原則。爲極深之研究。切實體驗。發揮而光大之。俾中國藥物學成爲世界上偉大之一科。是則著者所禱祈以求。而不勝隗始之望也。

中華民國十九年九月五日江山何霜梅自序於首都丁家橋畔

凡例

一、是書敘列中國歷代物學之沿革及其演進之階段。故名曰中國藥物學史綱。稱史綱者。謂未能搜羅詳盡。僅得其綱要而已。

一、是書史料之採集。始于十九年春。其時僅以滿足個人求知慾為目的。凡遇足供參考者。則信手錄之。迨是年六月。乃加整理。以成是編。故對是書。當以一種讀書筆記目之。非敢謂有作也。

一、是書依照中國普通歷史。以每朝之始終為一階段。輯為十二章。第一章中國藥物學之發明。係指有史以前之藥物學而言。第二章古代之藥物學。追溯自神農以迄商周之藥物學史。均萃於是。第三章周秦兩漢之藥物學。第四章魏晉之藥物學。第五章南北朝之藥物學。第六章隋之藥物學。第七章唐之藥物學。第八章宋之藥物學。第九章金元之藥物學。第十章明之藥物

學第十一章清之藥物學。第十二章民國之藥物學。均按時代之先後分別敘述之。最後則殿以民國藥物學之將來一節。所以預祝中國藥物學新生命之創建於未來也。

一是書每章之容量多寡不一。或備分節目。或寥寥數語。則因每一時代藥物學境況之盛衰。俱異其致也。

一、書中偶有於某種著作加以個人之意見或前人之批評。藉使閱者對於某書深一層認識。知所從違。非敢妄事褒貶。有譏前賢也。

一、中國學物之派別。肇於金元。而藥學物之分系。則始自遜清。是書所述之派系。或有未當之處。容俟他日再爲釐正。

一是書取材。以正史及歷代諸家本草爲主。旁及與藥物學有關係之書籍。總計不下數十種。若將其書目詳爲列出。以誇耀網羅之宏富者。則爲著者之所不願爲。尙希閱者諒之。

中國藥物學史綱目錄

秦序

自序

凡例

第一章 中國藥物之發明

第二章 古代之藥物學

第一節 神農氏與藥物學

第二節 神農本草經考證

第三節 神農本草經之內容

第三章 周秦兩漢之藥物學

第四章 魏晉之藥物學

中國藥物學史綱 目錄

第一節 魏晉藥物學概況

第二節 道家與藥物學之關係

第五章 南北朝之藥物學

第一節 南北朝藥物學總目

第二節 炮炙論

第三節 藥物形態學及十劑之創設

第四節 本草經註與名醫別錄

第五節 南北朝藥物學總評

第六章 隋之藥物學

第七章 唐之藥物學

第一節 唐新本草之修定

第二節 唐新本草卽英公本草說

第三節 唐代諸家本草概述

第八章 宋之藥物學

第一節 開寶本草

第二節 嘉佑本草

第三節 嘉佑圖經本草

第四節 證類本草

第五節 本草別說

第六節 本草衍及義其他

第九章 金元之藥物學

第十章 明之藥物學

第一節 明代藥物學總述

中國藥物學史綱 目錄

第二節 集成類

第三節 簡約類

第四節 專門類

第十一章 清之藥物學

第一節 清初之藥物學

第二節 清代中葉之藥物學

第三節 清末之藥物學

第十二章 民國之藥物學

第一節 民國藥物學概述

第二節 實用派之藥物學

第三節 維新派之藥物學

第四節 民國藥物學之將來

中國藥物學史綱

江山何霜梅著述

第一章 中國藥物之發明

考藥物之發明。當在原始時代。人類不能舍飲食而生存。即不能不爲飲食而角逐。所謂人與獸爭之時代也。其時人類日惟禦猛獸鷺鳥之襲。防毒蛇荆棘之害。偶有傷殘。亦多殞命。同儕見其痛苦。聞其呼號。即以惻隱之心。發爲補救之術。於是撮土泥以塗敷。採莖葉以包紮。於是外用藥物。由是導其源。又以穴居野處。茹毛飲血。或編葉以爲衣。或架枝以爲巢。外感風寒暑濕之邪。內受生硬腥臊之傷。氣血因以不和。脾胃於焉有眚。偶有括木作餌。摘草爲劑。因而獲痊者。故內服藥物。亦由是肇其端。積以經驗。副以製方。流傳既廣。效亦良驗。遂

樹藥物學之基礎。此不特中國爲然。卽世界藥物學之淵源。皆當作如是觀也。第中國藥物之發明。較諸東西各國爲尤早耳。

第二章 古代之藥物學

第一節 神農氏與藥物學

我國藥物之淵源。已如上述。然其時民智未開。居處靡定。對於經驗良藥。既缺文字爲之流傳。又無專業以事整理。或甲是而乙非之。或此用而彼棄之。且以自然產物爲生活之資料。凡草木之有害身體者。亦莫之辨。故人民之疾痼。猶爲其幸運所支配。鮮蒙藥石之救濟也。及神農氏教民稼穡。以興農業。五穀始爲食糧之要素。復從而嘗百草之性味。明其催吐促瀉之作用。別其形色氣味之異同。以供民用。以療民疾。於是藥物之功效。經實驗而益確立。而藥物學之胚胎。亦從斯而孳生焉。

史記綱鑑均謂神農氏嘗百草。始有醫藥。淮南子修務訓曰。『神農乃始教民嘗百草之滋味。當此時。一日而遇七十毒。』宋劉恕通鑑外紀曰。『民有疾病。未知藥石。炎帝始味草木之滋。嘗一日而遇十二毒。神而化之。遂作方書。』是神農爲藥物學之鼻祖。已可肯定。不容遊移者也。至淮南子所謂一日而遇七十毒。神農雖異常人。何能於一日之內。當此七十種中毒症。劉恕以七十毒爲過多。改爲十二毒。然果係十二毒。神農恐亦不足以勝之。明人王應龍解此毒字。謂指五味之偏勝者而言。此說近是。雖然。神農氏生當洪荒之世。獨願膺此艱鉅。竟以自身爲試驗之品。中毒之事。其何能免。而彼猶無所畏懼。其於爲人羣爲學術而犧牲之精神。溯自有史以來。實難數覩。我中華民族之發揚滋長。至有今日者。神農之功。不綦偉歟。

神農氏既遍究藥物之形色氣味。及其醫治作用。乃以其所得。口授於人。由是